

瀛洛風雅卷五

朱晦菴

琴操二首

五言古詩五十九首

南山七言古詩八首
松相樛高拂千崖素秋下臨深谷

之寒五言律詩六十九首
淹留聞說山中虎豹盡深

聞說山中排律四首
最薄深林鹿吻吻獨與君居山

鬼伴君遊君獨胡為自聊感云莫矣將焉

我心彼誰憂

瀛洛風雅目錄 朱晦菴

一

雜詩四首

五言雜詩八十九首

六言古詩八首

五言古詩五十九首

琴操二首

朱晦菴

瀛洛風雅卷五



灑洛風雅卷五

朱晦菴

琴操

招隱操

南山之幽桂樹之稠枝相樛高拂千崖素秋下臨深谷
之寒流王孫何處攀援久淹留 聞說山中虎豹晝噪
聞說山中熊羆夜咆叢薄深林鹿吻吻獼猴與君居山
鬼伴君遊君獨胡為自聊歲云莫矣將焉求思君不見
我心徒離憂 右招隱

南山之中桂樹秋風雲冥濛下有寒棲老翁木食澗飲
迷春冬此間此樂優游渺何窮 我愛陽林春葩晝紅

灑洛風雅卷五

朱晦菴

一

我愛陰崖寒泉夜涼竹柏含煙悄青葱徐行發清商安
坐撫枯桐不問簞瓢屢空但抱明月甘長終人間雖樂
此心與誰同 右反招隱

五言古詩

齋居感興

十一首

昆侖大無外旁薄下深廣陰陽無停機寒暑互來往皇
犧古神聖妙契一俯仰不待窺馬圖人文已宣朗渾然
一理貫昭晰非象罔珍重無極翁為我重指掌

人心妙不測出入乘氣機凝冰亦焦火淵淪復天飛至
人秉元化動靜體無違珠藏澤自媚王韞山含輝神光
燭九域玄思徹萬微塵編今寥落歎息將安歸

靜觀靈臺妙萬化此從出云胡自蕪穢反受衆形役厚
味紛朶願妍姿坐傾國崩奔不自悟馳驚靡終畢君看
穆天子萬里窮轍跡不有祈招詩徐方御宸極
放勳始欽明南面亦恭已大哉精一傳萬世立人紀猗
歟歎日躋穆穆歌敬止戒熒光武烈待旦起周禮恭惟
千載心秋月照寒水魯叟何常師剛述存聖軌

大易圖象隱詩書簡編訛禮樂矧文喪春秋魚魯多瑤
琴宜寶匣絃絕將如何興言理餘韻龍門有遺歌

顏生躬四勿曾子曰三省中庸首謹獨衣錦思尚綱偉
哉鄒孟氏雄辯極馳騁操存一言要為爾挈裘領丹青
著明法今古垂煥炳何事千載餘無人踐斯境

漁洛風雅卷五

朱晦菴

二

元亨播羣品利貞固靈根非誠諒無有五性實斯存世
人逞私見鑿智道彌昏豈若林居子幽探萬化原

飄飄學仙侶遺世在雲山盜啟元命秘竊當生死關金
鼎蟠龍虎三年養神丹刀圭一入口白日生羽翰我欲
往從之脫屣諒非難但恐逆天道偷生詎能安

西方論緣業卑卑喻羣愚流傳世代文梯接凌空虛顧
盼指心性名言超有無揜徑一以開靡然世爭趨號空
不踐實蹟彼榛棘途誰哉繼三聖為我焚其書

聖人司教化蠻序育羣材固心有明訓善端得深培天
叙既昭陳人文亦褰開云何百代下學絕教養乖羣居
競葩藻爭先冠倫魁淳風反淪喪擾擾胡為哉

童蒙貴養正孫弟乃其方雞鳴咸盥櫛問訊謹暄涼奉
小勤播灑攤篲周室堂進趨極虔恭退息常端莊劬書
劇嗜炙見惡逾探湯庸言戒麤誕時行必安詳聖途雖
云遠發軔且勿忙十五志于學及時起高翔

題謝少卿藥園

謝公種藥地窈窕青山阿青山固不羣花藥亦婆娑一
掇召冲氣三掇散沉疴先生澹無事端居味天和老木
百年姿對立方嗟我持此供日夕不樂復如何

邵武道中

風色戒寒候歲事已透遲勞生尚行役游子能不悲林
壑無餘秀野草不復滋禾黍經秋成收斂已空畦田翁
喜歲豐婦子亦嘻嘻而我獨何成悠悠長路歧凌霧即
曉裝落日命晚炊不惜容鬢凋鎮日長空饑征鴻在雲
天浮萍在青池微踪正如此三歎復何為

友人黃子衡欲之上庠以詩留行

若士有竒操久厭山林卑奮衣千里道已與親友辭子
行何悠悠世路方如茲歸來亦何日車馬光陸離幽蘭
生前林擢置白玉墀不以芳意遠結根終不移願子崇
明德潛躍貴因時悲風靜夜聽喬木歲寒姿何以迴軒
駕千載相與期

晨起對雨 二首

淒冽歲云晏雨雪集晨朝高眠適方起四望但蕭條遠

氣白漫漫風至林靄消流潦冒荒塗清川亦迢迢遐瞻
思莫窮端居心自超覽物思無托即事且逍遙

晨起候前障白煙眇林端雨意方未已后土何時乾倚
竹聽蕭瑟俯澗聞驚湍景物豈不佳所嘆歲已闌守道
無物役安時且盤桓翳然陶茲理貧悴非所歎

客舍聽雨

沉沉蒼山郭暮景含餘清春靄起林際滿空寒雨生揆
裝即虛館簷响通夕鳴遙想山齋夜蕭蕭木葉聲

雨中示魏惇夫兼懷黃子厚

二首

讀書春日晏雨至滿郊園一灑幽叢竹藹藹清陰繁齋
居無還往鎮日空掩門將欲冲靜趣與子俱忘言

灑洛風雅卷五 朱晦菴

四

暄風變春餘卉木日葱蒨林間一雨來滿庭寒草遍寂
寞謝朋儔晤語懷雋彥良無一水遥阻闊何由見

杜門

杜門守貞操養素安冲漠寂寂閔林園心空境無作細
雨被新筠微風動幽籜聊成五字句吟罷山花落浩然
與誰期放情遺所托

十月朔旦懷先隴作

十月氣候變獨懷霜露悽僧廬寄楸檟饋奠失茲時竹
柏翳陰岡華林敞神扉灑掃託羣隸瞻護煩名緇封塋
諒久安千里一歔歔持身慕前烈銜訓倘在斯

安溪道中泉石奇甚絕類建劍間山水佳處

驅車陟連岡，振轡出林莽。霧露曉方除，日照川如掌。行
行遵曲岸，水石窮幽賞。地偏寒篠多，澗激淙流響。祇後
未忘倦，心神暫蕭爽。感茲懷故山，何日稅征鞅。

登羅漢峰

休暇曹事簡，登高恣窺臨。倘祥偶此地，曠望披塵襟。落
日瞰遠郊，暮色生寒陰。歡娛未云已，更欲窮幽尋。行披
茂樹盡，豁見滄溟深。恨無雙飛翼，往詣蓬山岑。

試院即事

端居惜春晚，庭樹綠已深。重門掩畫靜，高館正陰沉。披
衣步前除，悟物懷貞心。澹泊方自適，好鳥鳴高林。

山居即事用疊翠亭韻

灑洛風雅卷五 朱晦菴

五

世情日已疎，庭樹日以密。我心自悠悠，兩忘喧與寂。門
開山疊翠，雨罷雲絕迹。天涯此興同，萬里寄消息。

柬舍姪

回頭別子時，歲月劇風雨。老大無所成，慙歎中夜舞。長
鏡足呻吟，短褐極襁褓。古人不可期，炯炯心獨苦。

夏日齋居得潮州詩卷咏歎之餘，用卒章之韻。

以紀其事

孟夏氣淑清，牕戶有佳色。卧聞幽籟翻，轉覺林景寂。參
羌帙委素，縹緲香橫碧。啜菽有餘歡，纓冠非所職。故人
海邊郡，妙語寄遠翼。咏歎不得聞，超然見胸臆。

秀野以喜無多屋宇幸不礙雲山為韻賦詩熹

伏讀佳作率爾攀和韻劇思慳無復律呂笑
覽之餘賜以斤斧幸甚

高人山水心結習自無始五畝江上園清陰適桃李一
堂聊自娛三迳亦可喜試問避俗翁何如尊賢里
門前車馬客無非朝大夫問公獨何事中歲遠此圖長
安二三公駸白形枯癯隱憂念名節亦有此樂無
君侯嗜圖史挿架何其多徒車三十乘流汗幾橐駝千
載誰晤語端居自弦歌至哉天下樂歲月如子何
西山一何高雲氣出寒麓中有無事人鳴泉遠茅屋宴
坐今幾何無以媿幽獨興至偶成篇呼兒為余讀
我居深山中茅舍破不補上見風攪林下有雲承宇聞

瀛洛風雅卷五

朱晦菴

六

公落新宮戶牖不可數懶惰心力衰念公亦良苦

夜吟招隱詩月落寒泉井自非千載人誰與共清景散
暖心朗寥凝神味澗永功名恐相期富貴非所幸

仙人空山居道意妙群物度世君則然脩身吾豈不飛
行仰雲路跌坐探理窟獨夜扣星壇清齋具簪笏

青山背夕陽茲景公所愛虛堂日落時遷坐一解帶嵐
分疑有處鳥度知無礙須臾暮色來默默無與會

端居屏塵慮萬事付一尊客來語世故舉白當浮君起
搔謝衆甫尊沓從諸孫何以自怡悅愔中見秋雲

清溪何迢迢上有千仞山山中學仙侶白石為門闢丹
經苦吟我至道窮躋攀豈知人間世風塵縈九寰

卜居屏山下俯仰三十秋
終然村墟近未愜心期
幽近聞西山西深谷開
平疇茅茨十數家清川
可行舟風俗頗淳朴曠
上非難求近捐三徑資
往遂一壑謀伐木南山
巔結廬北山頭耕田東
溪畔濯足西溪流朋來
即共歡客去成孤遊靜
有山水樂而無身世憂
著書俟來括補過希前
脩茲焉畢暮景何必營
菟裘

題沈公雅卜居圖

往者仲長子高情世無儔
一朝謝塵躅卜築娛清幽
茆屋八九間下有良田疇
後簷果垂實前庭樹相膠
勝日賓友來琴觴共舒憂
言論覈幽妙理亂窮端由
至今一

灑洛風雅卷五

朱晦菴

七

卷書凜然昭千秋沈侯經
濟業夙尚本林丘談笑出
幻境寤言躡斯遊仰睇白
石岡俯濯清瑤流曠然宇
宙外邈矣將焉求

大雪馬上次敬夫韻

仙人喬嶽頂散髮吹參差
喚我二三友集此西南垂
列筵命洛公侑坐迎江妃
導之千羽旄投以萬璧璣
繽紛一何麗晻靄難具知
衆真不來翔恍覺叢霄低
茫茫雲霧合一一瓊瑤姿
回音謝世人千載空相思
吾衰怯雄觀未敢探此奇
短衣乘匹馬幸甚得所隨
天寒飲我酒酒罷賡君詩
人生易南北復此知何時

自上封登祝融峰絕頂次敬夫韻

嶺巖千仞起祝融一峯高羣山畏突兀莽起如曹逃我
來雪月中歷覽快所遭桐天滑青壁俯壑崩銀濤所恨
無十掬一掬了六鼈旋歸青蓮宮坐對白玉臺重閣一
徙倚霜風利如刀平生山水心真作貨食饕明朝更清
徹再往豈憚勞中宵撫世故劇如一蝟毛嬉遊一何益
歲月今滔滔起望東北雲茫然首空搔

奉酬敬夫贈言并以為別

昔我抱冰炭從君識乾坤始知太極蘊要眇難名論謂
有寧有跡謂無復何存惟應酬酢處特達見本根萬化
自此流千聖同茲源曠然遠莫禦揚若初不煩云何學
力微未勝物欲昏涓涓始欲達已被黃流吞豈知一寸

漁洛風雅卷五 朱晦菴

八

膠救此千丈渾勉哉共無數此語期相敦

遊密菴分韻賦詩得還字

我行得佳友勝日尋名山春山既妍秀清溪亦潺湲行
行造禪扉小憇腰脚頑窮探意未已理策重躋攀入谷
翳蒙密俯澗隨泓灣誰將百尺綯挂此長林間雄聲殷
地厚洪源瀉天慳偉哉竒特觀償此一日閑所恨境過
清悄愴暮當還顧步三歎息人生何苦艱

寄題九日山廓然亭

昨遊九日山散髮巖上石仰看天宇近俯歎塵境窄歸
來今幾時夢想挂蒼壁聞公結茅地恍復記疇昔年隨
流水逝事與浮雲失了知廓然處初不從外得遙憐植

杖翁鶴骨雙眼碧永歎月明中秋風桂花白

同丘子服遊蘆峰以嶺上多白雲分韻賦詩得

白字

登巖出囂塵入谷壅泉石悠然愜幽趣不覺幾朝夕高
尋倦絕頂舊賞歎陳迹仰慙仙人杖俯媿謝公屐昨日
吾弟來勇往意無斃今晨蓐食罷千仞一咫尺心期未
究竟眼界已開闢浮野衆麓青縈雲兩川白須臾互吞
吐變化已今昔曠若塵慮空悲哉人境窄平生有孤念
萬里思矯翮感此復冲然胡為尚形役

尋白鹿洞故址愛其幽邃議復興建感歎有作
清冷寒澗水窈窕青山阿昔賢有幽賞眷言此婆娑事

瀛洛風雅卷五

朱晦卷

九

往今幾時高軒絕來過學館空廢址鳴弦息遺歌我來
勸相餘杖策攀綠蘿謀野欣有獲披圖知匪訛永懷當
年盛華萃衿佩多博約感恩涵濡熙泰和淒涼忽荒
榛俯仰驚頽波發教遠綱紀喟然心靡他伐木循陰岡
結屋依陽坡一朝謝塵濁歸哉碩人邁

秘閣張丈簡寂之篇韻高難繼別賦五字以謝

來貺

勞農會稽宅息駕丹元鄉丹元不可見翠碧空雲房是
時中春月暄風發新陽白水注幽壑綠樹敷崇岡俯聽
足怡悅仰觀共徜徉班坐得瑤草傾壺出瓊漿長吟遊
仙詩亂以招隱章忽忽林景西躊躇申慨慷坐上江海

客元傲鬚蒼逸氣邁霄漢英詞吐琳瑯思與泉石勝
韻隨笙鶴翔追游不可及咏歎可能忘俗傳歸宗是王右軍故宅陸儔
靜封丹元真人

奉同尤延之提舉廬山雜咏

白鹿洞書院在郡城東北十五里

昔人讀書地町疇白鹿場世道有升降茲焉更表章矧
今中興年治具一以張絃歌獨不嗣山谷無輝光荒榛
適剪除聖謨已汪洋亦有皇華使肯來登此堂問俗良
懇惻懷賢增慨慷雅歌有餘韻絕學何能忘

折桂院黃雲觀在書院東北五里院後作亭取李白黃雲萬里動風色句名之

城中東北望五老何蒼蒼下有前朝寺一原頗深藏門

濂洛風雅卷五 朱晦菴

前林澗幽屋後雲木荒閑牕亦明潔著此瑞錦張僧房有瑞

青花更能理枯筇步上林北岡仰視天宇闊俯瞰江流

長即黃雲觀受書彼何人姓字不足詳竹帛有遺臭桂樹徒

芬芳李逢吉嘗讀書此院去而登第以故得名

樓賢院三峽橋在楞伽西五里

兩岸蒼壁對直下成斗絕一水從中來湧湑知幾折石
梁據其會迎望遠明滅倏至走長蛟捷來翻素雪聲雄
萬霹靂勢倒千帶噪足掉不自持魂驚詎堪說老仙有
妙句千古擅竒崛尚想化鶴來乘流弄明月

卧龍菴武侯祠在西洲西三里

空山龍卧處蒼峭神所鑿下有寒潭幽上有明河落我

來愛佳名小築寄幽壑永念千載人丹心豈今昨英姿
儼繪事凜若九原作寒藻薦芳馨飛泉奉明酌公來識
此意顧步慘不樂抱膝一長吟神交付冥漠

簡寂觀

在開先西五里
陸侗靜所居

高士昔遺世築室蒼崖陰朝真石壇峻煉藥古井深結

交五柳翁屢賞無絃琴相携白蓮渚一笑傾夙心晚歲

更市朝故山鎖雲岑柴車竟不返鸞鶴空遺音侗靜晚
為宋嗣

竹寒蕭參相傳竹是侗靜手植
其萌即所謂甜苦筍

陶公醉石歸去來館在歸宗
西五里

予生千載後尚友千載前每尋高士傳獨歎淵明賢及

此逢醉石謂言公所眠况復巖壑古縹緲藏風烟仰看

喬木陰俯聽橫飛泉景物自新絕優游可忘年結廬倚

蒼峭舉觴酌潺湲臨風一長嘯亂以歸來篇

讀子厚步月詩時方聞呂伯恭訃後數日賦此

晚步曲池上西風吹我裳仰觀天宇闊愛此明月光念

我素心友眇焉天一方沒者永乖隔存者為參商飄零

百歲期寂寞幽鬢霜還坐三太息高林鬱蒼蒼

次子厚秋懷韻

秋風何方來為我滌殘暑庭梧亦何與索索秋夜雨冥

思感物變念此離索苦浩蕩信莫量幽紛那得覩丁年

舍我去憔悴故其所廓落濟時心頽然復安取永懷平

瀛洛風雅卷五

朱晦菴

生友夢想見翁字今晨枉秀句爛若朝霞舉去去同采
芝高軒坐凝佇

讀子厚詩卷用其卒章晨起之韻作詩寄之

晝永倦殘暑宵分喜新涼天雞一振翼爛爛曉月光病
榻感紆徐中庭起翱翔懷哉穀城子物外久不忙掩抑
琴調希激烈歌聲長契濶恨清賞佳期未渠央緘詞托
歸鳥側佇何能忘

酬黃子厚見訪歸途惠詩韻

極驥倦千里籠鶴思九臯念昔田舍日不如山林高一
朝逢世紛故丘得潛逃平生棲遯志茲焉始堅牢故人
穀城翁高情北牕陶亦復喜我歸巾車款林窠申旦更

濂洛風雅卷五 朱晦菴

離閩中情重切切

秋暑

晨興納新涼亭午倦猶暑卧對北牕扉澹泊將誰侶疎
樹含輕颺時禽轉幽語端居悟物情即事聊容與

行視武夷精舍作

神山九折溪沿泝此中半水深波浪闊浮綠春渙渙武夷

溪凡九曲多急流亂石此第五 上有蒼石屏百仞聳雄

觀嶄巖露垠堦突兀倚霄漢此峯夷上削下拔地峭立

屏淺麓下縈迴深林久業灌胡然闕千載逮此開一旦

峯下小山重復中有平地數十丈喬木長藤茂林備竹

交相蔽隱舊無人迹乾道己丑予舟過而樂之反今始
能卜築以 我乘新村船輟棹青草岸榛莽喜誅鉏血勢

窮考按居然一環堵妙古象豈輪奐左右真竒峰躡躡極

佳玩方經始時予以病不能來至是送別山西始自新

大隱屏面直溪南大山左有魏王上是時芳節闌紅綠

昇峯右有鍾模三教等石極為雄勝是時芳節闌紅綠

紛有爛好鳥時一鳴王孫遠相喚山多猴暫遊意已愜獨

往身猶絆珍重舍瑟人重來足幽伴已約初夏與同志皆往遊集

七言古詩

和李伯玉用東坡韻賦梅花

北風日日霾江村歸夢正雨勞營魂忽聞梅蕊臘前破

楚客不愛蘭佩昏尋幽舊識此堂古曳杖偶集僧家園

嵐陰春物未全到邂逅只有南枝温冷光自照眼色界

雲艷未怯扶桑暎遙知雲臺溪上路玉樹十里藏山門

灋洛風雅卷五 朱晦菴

自憐塵羈不得去坐想佳處知難言但哦君詩慰岑寂

已似共倒花前樽

與諸同人用東坡韻共賦梅花適得元履書有

懷其人因復賦此以寄意

羅浮山下黃茅村蘇仙仙去餘詩魂梅花自入三疊曲

至今不受蠻煙昏佳名一旦異凡木絕艷千古高名園

却憐冰質不自暖雖有步障難為温羞同桃李媚春色

敢與葵藿爭朝暎歸來只有脩竹伴寂歷自掩疎籬門

亦知真意還有在未覺浩氣終難言一杯勸汝吾不淺

要汝共保山林樽

壽母生朝

秋風蕭爽天氣涼此日何日升斯堂堂中老人壽而康
紅顏綠鬢雙瞳方家貧免痴但深藏五年不出門庭荒
竈陘十日九不煬豈辦甘脆陳壺觴低頭包羞汗如漿
老人此心久已忘一笑謂汝庸何傷人間榮耀豈可常
惟有道義思無疆勉勵汝節彌堅剛熹前再拜謝阿娘
自古作善天降祥但願年年似今日老萊母子俱徜徉
丁丑冬在溫陵陪敦宗李文與一二道人同和
東坡惠州梅花詩皆一再往反昨日見梅追
省前事忽忽五年舊詩不復可記憶再和一
篇呈諸友兄一笑同賦

江梅欲破江南村無人解與招芳魂朔雲為斷蜂蝶信

灑洛風雅卷五

朱晦菴

十四

凍雨一洗烟塵昏天憐絕艷世無匹故遣寂寞依山園
自欣羌笛娛夜永未要鄒律回春溫連娟窺水墮殘月
的礫泣露晞晨暎海山清遊記玉面衰病此日空柴門
相逢不敢話疇昔能賦豈必皆成言雕鐫肝腎竟何益
况復制酒噉空樽

題祝生畫

裴侯愛畫老成癖歲晚倦遊家四壁隨身只有萬疊山
秘不示人私自惜俗人教看亦不識我獨摩娑三太息
問君何處得此竒和璧隋珠未為敵答云衢州老祝翁
胸次自有陰陽功峙山融川取世界咳雲垂雨呼雷風
昨來邂逅衢城東定交斗酒歡無窮自言妙處客我識

為我掃此須史中爾時聞名今識面回首十年齊掣電
裴侯已死我亦衰祇君雖老身猶健眼明骨輕鬚不變
筆下江山轉葱蒨為君多織機中練更約無事重相見
敬別機仲用韻

君家道素幾葉傳只今用舍懸諸天屹然砥柱戰河曲
肯似落葉隨風旋奮髯忽作蝟毛磔浩氣勃若霄中烟
隱憂尚喜遺直在壯烈未許前人專武夷連日聽奇語
令我兩腋風冷然初如茫茫出太極稍似冉冉隨羣仙
安能局促夜起舞下與祖逖爭雄鞭終憐賢屈惜往日
亦念聖孔悲祖川願君盡此一杯酒預澆舌本如懸泉
沃心澤物吾有望勒移忍繼鍾山篇

瀛洛風雅卷五 朱晦卷

五

讀通鑑紀事本末用武彞倡和元韻寄機仲

先生諫疏莫與傳忠憤激烈號旻天却憐廣文官舍冷
只與文字相周旋上書乞得聊自屏清坐日對銅爐烟
功名馳騖遠莫悔鉛槧職業今當專要將報荅陛下聖
矯首北闕還潛然屬詞比事有深意憑愚護短驚羣仙
誰言未秉太史筆自幸已執留臺鞭溫公以留臺領書局時韓魏公與書
有執鞭果然勅遣六丁取香羅漆匣浮桐川陰凝有戒
之語 棘皇鑒恭聞上讀此書有履霜堅冰之戒 陽剝欲盡生玄泉明年定對
白虎殿更誦大學中庸篇項在武彞宮講正心誠意

伏蒙秘閣張丈寵顧下邑并以長篇為脫降歎

之餘牽勉繼韻仰求斤削僭率惶恐

向來滅迹東山東，閉門不問烏雌雄。門前有路向塵土，兩足未舉心先慵。當時亦有車馬客，此意欲說嗟誰同。窮居聊復追伸蔚，篤論何必須劉龔。平生故人子張子，相思安得長相從。每勞書疏問生死，坐想星宿羅心胸。幾年持節漢水上，木牛流馬旌旗紅。君王輟饋思頗牧，外庸且訖來朝宗。因能過我紫霄下，後乘載得朱簾櫳。蒼顏白髮應笑我，曷不飽卧陶牕風。開樽鶩池水清激，下馬醮石煙空濛。須臾路轉山更好，摩天巨刃排雙峰。少看銀河忽倒挂，直欲跳下清冷中。南臨滙澤共指點，縹緲貝闕浮珠宮。公言平日愛登覽，到此一洗羣山空。坐間為我出奇句，不用遠寄南飛鴻。上言雲泉足奇賞，下歎契濶歡相逢。紛吾失脚墜世網，乃有此會寧天窮。流光過眼驚昨夢，舊約回首羞塵容。明朝却上烟艇去，滅沒萬頃追鳧翁。

五言律詩

知郡傅丈載酒幙被過，烹于九日山夜泛小舟。

弄月劇飲 二首

扁舟轉空闊，烟水浩將平。月色中流淌，秋聲兩岸生。杯深同醉極，蕭瑟獨魂驚。歸去空山黑，西南河漢傾。誰知方外客，亦愛酒中仙。共踏空林月，來尋野渡船。醉醒非各趣，心跡兩忘緣。江海情何限，秋生蓬鬢邊。

同僚小集梵天寺坐間雨作已復開霽步至東

空山看雨罷微步喜新涼月出澄餘景川明發素光星
河方耿耿雲樹轉蒼蒼晤語逢清夜茲懷殊未央

奉陪判院丈充父平父兄宿回向用知郡丈壁

間舊題韻

暮雨停驂處僧廬古道邊千峯環傑閣一水下平田行
役無期度經過幾歲年明朝須飽飯躡足上寒烟

蒙判院丈示及再用元韻率易和呈以求指誨
疇昔經行地溪山寂寞邊冰霜凝巨壑風雨暗中田古
寺堪投晚塵龕閱紀年論文寒夜永清絕裊爐烟

喜晴

灑洛風雅卷五

朱晦菴

十七

衝飈動高柳淥水澹微波日照秋空淨雨餘寒草多放
懷遺簿領發興托烟蘿忽念故園日東阡時一過

蒙判院丈垂示用韻喜晴之句率爾奉酬

容枕終難穩歸來歟息深曉雞回遠夢缺月挂空林冰
谷晨加帽晴牕晝解襟詩筒多妙語仍喜舊盟尋

登梅嶺

去路霜威勁歸程雪意深往還無幾日景物變千林曉
磴初移屐寒雲欲滿襟玉梅疎半落猶足慰幽尋

輓籍溪胡先生

先友多淪謝唯公尚典型向來深繼繼猶足慰飄零喬
木摧霜幹長空沒曉星傷心遽如許孤靈轉於渾

兩公清廟瑟窈窕拂朱絲事紀一朝勝名從千古垂流
傳當共賦惆悵不同時且要君願解寧辭匡說詩
憶昨中秋夕寒盟約重尋幔亭歡舉酒江閣快論心月
墮俱忘記壘空始罷斟祇今千嶺隔悵望一何深
志士懷韜畧竒兵吼鑊干關河那得往肝膽不勝寒壯
節悲如許雄圖渺未闡皇輿方仄席陋巷敢求安

輓延平李先生

三首

河洛傳心後毫釐復易差淫詞方眩俗夫子獨名家本
本初無二存存自不邪誰知經濟業零落舊烟霞
聞道無餘事窮居不計年簞瓢渾漫與風月自悠然灑

灤洛風雅卷五

朱晦菴

十八

落灤溪句從容洛社篇平生行樂地今日但新阡
岐路方南北師門數仞高一言資善誘十載笑徒勞斬
板今來此懷經痛所遭有疑無與析揮淚首頻搔

次秀野暑中

二首

劇暑悲難度清秋喜却回病隨庚伏盡尊向晚涼開臨
水看雲去釣簾待月來勝遊驚昨夢曾上鬱蕭臺
絕境人難到惟堪樂此身泉吟青玉峽風度白綸巾獨
往寧無意長閑未有因雲山天賜履吾道豈全貧

短句奉迎荆南幕府

雄藩荆楚地自古國西門客有籌邊畧人知幕府尊時
平烽燧冷事省笑談溫宛洛何年向竒功要一論

即事有懷寄彥輔仲宗二兄

一水方涵碧千林已變紅
農收爭煖日老病怯高風
徙倚非無計心期莫與同
向來歡會處離合太匆匆

閒坐

坐歎無餘事淡然塵慮希
閒中自怡悅妙處絕幾微
韓子戒今古顛師果是非
悠然發孤興千載儻同歸

哭羅宗約二首

江閣論心地重來感慨多
故人今已矣此道竟如何
但使窮新得終當訂舊訛
語言雖永隔吾欲問滄波
行義追前輩孤風凜一生
子平婚嫁了元亮去留輕
涪萬無歸棹嚴楊有舊盟
空令同社客生死痛交情

瀛洛風雅卷五

朱晦菴

十九

登定王臺

寂寞番君後光華帝子來
千年餘故國萬事只空臺
日暮東西見湖山表裏開
從知燕鴉樂莫作雍門哀

次敬夫登定王臺韻

今朝風日好抱病起登臺
山色愁無盡江波去不回
客懷元老草節物又疎梅
且莫催歸騎憑欄更一杯

敬夫用熹定王臺韻賦詩因復次韻

新詩通造化催出火輪來
雲物低南極江山接漢臺
心期千古迴懷抱一生開
回首狂馳子紛紛正可哀

後洞山口晚賦

日落千林外烟飛紫翠深
寒泉添壑底積雪尚崖陰
景

要吾人共詩留永夜吟從教廣長舌莫盡此時心

自方廣過高臺次敬夫韻

素雪留清壁蒼霞對赤城
我来陰壑晚人說夜燈明
貝葉無新得蒲人有舊盟
吐我寧負汝安敢負吾生

至上封用擇之韻

疇昔朱陵洞如今白帝城
天高雲共色夜永月同明
萬里爭回巧千峰盡乞盟
登臨須我輩更約羨門生

登祝融峯用擇之韻

今年緣底事浪走太無端
直以心期遠非貪眼界寬
雲山於此盡風袂不勝寒
孤鳥知人意茫茫去不還

贈上封諸老

濂洛風雅卷五

朱晦菴

二

夜宿上封寺翛然塵慮清
月明殘雪稟泉溜隔窓聲
楮衲今如許緇袍那復情
爐紅虛室暖聊得話平生

十五日再登祝融用臺字韻

江流圍王帶天影拖瓊臺
拄杖烟霄外中巖日月回
箕山藏遜許吳市隱仙梅
一笑今何在相期再舉杯

胡丈廣仲與范伯崇自嶽市來同登絕頂舉酒

極談得聞比日講論之樂

我已中峰住君從何處來
莫留巖底寺徑上月邊臺
濁酒團欒坐高談次第開
前賢渺安在清酌寄餘哀

十六日下山各賦一篇仍迭和韻

絕頂來還晚寒牕睡達明
連床眇歸思三宿悵餘情
雲

台山無路風回雪有聲
巖祇珍重意只此是將迎

和擇之韻

仰止平生舊今年得得來
舉頭天一握倚杖雪千堆
講道心如渴我詩思湧
雷出山遺語在歸騎莫徘徊

十一月二十六日宿萍鄉西三十餘里黃花渡

口客舍稍明潔有宋亨伯題詩亦頗不俗因錄而和之

鼎足爐邊坐陶然共一樽
道心元自勝世味不須論
安穩三更睡清明一氣存
雖無康樂句聊爾慰營魂

清江道中見梅

今日清江路寒梅第一枝
不愁風嫋嫋正奈雪垂垂
煖

瀟洛風雅卷五

朱晦菴

廿一

熱惟須酒平章却要詩
他年千里夢誰與寄相思

過豐城縣

渺渺豐城縣回頭憶舊遊
晴江羅遠樹宿莽亂中洲
寶劍今鱗甲神光尚斗牛
他年還記得此夜一扁舟

舟中見新月伯崇擇之二友皆已醉卧以此戲

之

舟中見新月烟浪不勝寒
與問醉眠客豈知行路難
殘陽猶水面孤鴈更雲端
篷底今宵意天邊芳歲闌

觀西山懷嶽麓以為莫能相上下也聊賦此云

風月平生意江湖自在身
年華供轉徙眼界得清新
試

問西山雨何如湘水春
悠然一長嘯妙絕兩無倫

進賢道中

往辭湘水曲今過豫章城改歲無多日到家才幾程書
憐春意迫夜喜月華清此去無淹軌前途似掌平

安仁曉行

夙駕安仁道行行得自娛荒山圍野闊遠樹出林孤景
晦長烟合天寒碧草枯歸心懷往路極日向平蕪

十七日早霜晴日出霧中喜而成詩

斜月夜牕白肅霜朝氣清長塗披素錦寒霧湧金鈿已
作三冬雨何妨十日晴天工且相念莫遣暮雲生

再用前韻

久陰冬竟煖欲霽氣先清田舍占烟火軍家候鼓鉦風

灑洛風雅卷五 朱晦卷

廿一

霜千里肅天地一朝晴明日知何日陽春又發生

次韻擇之章巖

驅馬倦長道投鞭憩此巖來應六鰲戴跡是五丁剗泉
脉流清潤林梢擁碧巉老禪深閉戶客子且征衫

有懷南軒老兄呈伯崇擇之二友 二首

憶昔秋風裏尋盟湘水傍勝遊朝挽袂妙語夜連牀別
去多遺恨歸來識大方惟應微密處猶欲細商量

積雨芳菲暗新晴始豁然園林媚幽獨牕戶愜清妍晤

語心何遠 謂日與擇之講論 書題意未宣 謂數收伯崇近書 懸知今夜

月同夢舞雩邊

擇之誦所賦擬呂子進元宵詩因用元韻 二首

何處元宵好山房入定僧往來衣上月明暗佛前燈實
際徒勞說空華詎可憑還教知此意妙用一時興
何處元宵好寒龕獨寐人月窓同皎皎燈鏡自塵塵靜
鑒通天地潛思妙鬼神却憐迷路子狂走鬧城闈

次韻擇之梧竹二首并呈季道

竹塢深深處檀藥遠舍青暑風成慘淡寒月助清冷客
去空塵榻詩來拓采樵此君同一笑午夢頓能醒

永日長梧下清陰小院幽自憐風嫋嫋客賦雨瀏瀏作
別今千里相思欲九秋更憐同社友復此誤淹留

擇之寄示深卿倡和烏石南湖佳句輒次原韻

未識南湖景遙欣二子遊賞心并勝日妙語逼清秋賸

濂洛風雅卷五 朱晦菴

廿三

欲携書卷相將買釣舟微吟歸去晚杜若滿汀洲
平湖渺空闊積水暮生寒但見綠千頃不知深幾竿人
間元迫隘世路足艱難若了滄洲趣無勞正眼看

小詩奉送擇之仁友赴漕臺之招後篇喜趙公

之得士而不敢致私怨焉然別懷黯然而不能

成章亦足以見區區也 二首

之子論交久深衷兩自知提携方有賴離索遽成悲望
虜應無數書來肯見私臨分莫惆悵努力共心期

珍重東臺老英聲舊所聞能懷吐哺意豈但枉書勤得
士看如許持心定不羣願言推此志清濁見勿分

與劉德明祝濟之胡子寬晚步偶成

雨罷寒逾勁，霜威正凜然。不知荒徑行，到野橋邊曠。
望情何極，徘徊意莫傳。清波涵衆影，日落暗晴川。

仙洲新亭熹名以晝寒紫微張公為書其額判

院劉丈乃出新句輒次高韻 二首

聞說藤蘿外，神龍舊所蟠。擘開千丈峽，寫盡一襟寒。賞
寄三杯酒，歸投六尺竿。若無詩律好，清絕不成歡。
悄悄非人境，寒蟬夏已稠。陽崖驚素雪，午扇怯清秋。共
說新亭好，真堪妙墨留。賞心元不歇，仙夢肯來遊。

次韻晝寒

行穿危磴盡，林表見孤亭。澗瀉千尋白，峯回四面青。塵
襟元落落，風腋自泠泠。一醉今何許，無心賦獨醒。

灑洛風雅卷五 朱晦菴

廿四

次判院丈清湍之什

明滅青羅帶，周遭碧玉環。孤亭感陳迹，茂樹喜重攀。爽
氣琴尊外，泉聲枕篔間。詩成無寫處，絕壁蘚痕斑。

次韻宿密菴

忽作經宵別，胷竒莫與陳。暮歸誇得句，寒苦頓生春。道
義知無數，文章自有真。它年應共說，此日自由身。

聞季通德明諸友入山以詩迎之仍請先往觀

瀑布

勝友南牕底，看書老歲華。不因寒瀑響，肯到野僧家。古
徑開能久，新亭去豈賒。躋攀那可緩，寂寞有雄夸。

和季通晝寒韻

萬壑爭流處。千年樹石幽危亭。因我作勝日。為君留酒
笑紅裙。醉詩慙雜珮。酬尚嫌心境窄。更約九垓游。

奉酬圭父未利之作

玉蕊琅玕樹。花香如見熏。露寒清透骨。風定遠含芬。莢
致銷煩暑。高情謝曉雲。遙憐河朔飲。那得醉時聞。

奉酬圭父白蓮之作

忽傳夔府句。并送遠公蓮。翠蓋臨風迴。冰華浥露鮮。舞
衣清縞袂。倒景爛珠躔。想象芙蓉闥。冥冥絕世緣。

雲谷合記事目要俳體戲作三詩寄季通

雲關須早築。基趾要堅牢。栽竹行教密。穿池岸欲高。乘
春移菡萏。帶雪覓蕭條。謂杉徑也更向關門外。疏泉斬亂蒿。

濂洛風雅卷五 朱晦菴

廿五

堂成今六載。上雨復旁風。逐急添茆蓋。連忙畢土功。謂

下貼 碑 桂林何日秀。蘭徑幾時通。并築雙臺子。東山接水

筒

莊舍宜先立。山楹却漸營。泉疏藥圃潤。堰起石池清。早
印荒田契。仍標別戶名。想應頻檢校。祇恐欠方兄。

雲谷懷魏元履

歎息良齋老。當年共此來。千峯竒絕處。一望興悠哉。病
怯披雲卧。詩勞擁鼻裁。祇今何處所。宿草闕餘哀。

宿雲際寺許順之將別以詩求教次韻

薄暮投花縣。聯車入翠微。長林生缺月。永夜照寒扉。情
話欣無數。離懷悵有違。勉哉疆毅力。千里要同歸。

聖主興炎運，明公起妙年。材推漢庭右，學自北方傳。
出入丹心壯，安危素髮鮮。空餘題劍在，光燭舊林泉。
曠宇原無際，孤標自不羣。物情良有寄，讒口詎堪聞。
未言時明政，猶堪史闕文。衣冠忽長夜，餘子漫紛紛。
先友當年盛，斯文元祐徒。艱虞共流落，存沒半嗚呼。
顧我真無賴，逢公幸不孤。祇今還一慟，卽此是窮塗。

輓劉樞密

三首

天昇經綸業，家傳忠義心。謀謨經國遠，勳烈到人深。
廊廟風雲斷，江湖歲月侵。一朝成殄瘁，九牧共沾襟。
談笑平蠻策，焦勞振廩功。復讐垂夙志，忍死罄餘忠。

漁洛風雅卷五 朱晦菴

廿六

歎百身贖天悲，一鑑空九原。終莫起千載，自英風。
久矣身無用，前恩歎莫償。豈期今老大，復此重悲傷。
淚向遺書盡，心隨宿草荒。諸君那不死，慟絕鬢成霜。

九日奉陪高州史君簡陽別駕會稽丞公善化
明府仲衡詩伯并屈予美元範二兄及郡中
諸文武同登紫霄絕頂南望江湖北眺淮甸
少快心目既歸又得仲衡佳篇句法清麗情
致悽惋三復不勝起予之歎謹次韻呈請皆
賦之以紀一時之盛甚惠甚望

此日登高處，千年錦樹稠。無人朝落帽，有客賦悲秋。
忽忽塵中老，匆匆物外遊。江湖空極目，不盡古今愁。

和張彥輔白鹿洞之作

邃谷新華館風烟再吐吞舊眠聞野鹿遺恨響驚猿李
遺由此徙居少空乃被徵故有此句共賞欣同趣分携愴別魂徘徊空日夕無策駐行軒

次張彥輔西原之作

無處堪投跡空山寄一椽懸門窺絕壁繚徑上層巔檻閣吞江浪牕虛響谷泉丹經閑自讀不為學神仙

次張彥輔卧龍之作

瀑水源何處高疑雲漢通瀉時垂練直落處古潭空客寄詩能好龍蟠意自雄知君來峴首為我說隆中

登廬峰

漁洛風雅卷五 朱晦菴

廿七

循礪躋危磴披雲得勝遊蓬茅增舊葺竹樹喜新稠夢想三秋別徘徊十日留餘年端可料此地欲長休佳友紛來集欣然會宿心風前陪徙倚雲月共窺臨雅唱情俱勝微言思獨深茲遊非逸豫邂逅得良箴

遊密菴得空字

欲覓仙洲路須乘萬里風飲泉雲出岫卧嶺月流空永夜渾無寐悲歌莫與同起來殘樹影清絕小樓東

次林擇之鳳凰山韻

木落髭鬢擁湖平柱鏡空荒亡餘舊事慘澹只悲風興發千山裏詩成一笑中諸君莫惆悵吾道固當窮

次林擇之涼峰韻

解轡林間寺歸鴉晚欲盤望中巖翠合愁外夕陽殘尊
酒何妨盡羈心且自寬無端滿櫂月遙夜不勝寒

次呂公濟精舍韻

一室空山裏纖塵迴莫侵若非同臭味誰肯遠過臨健
策凌丹壑清詩動王琴溪邊一回首平地足崎嶇

詠巖桂二首

亭亭巖下桂歲晚獨芬芳葉密千層綠花開萬點黃天
香生淨想雲影護仙粧誰識王孫意空吟招隱章
露浥黃金蕊風生碧玉枝千林向搖落此樹獨華滋木
末難同調籬邊不並時攀援香滿袖歎息共心期

放船二首

漁洛風雅卷五 朱晦菴

廿八

浩蕩清江水依微綠樹風解維春雨外弭櫂夕陽中江
草生新徑巖花點舊叢詩翁不愁思逸興莽何窮

疇昔清溪峽船頭戲彩翰十年空往事一夢記前灘既
絕垂蒼壁澄虛列翠巒今宵詩卷裏重得縱遐觀任年泛舟

此峽有水鳥數十翔集舟前舟
至輒起若相導十餘里乃散

五言排律

寄題李東老淵乎齋

東老幽棲地淵乎亦妙哉空山無客到流水有花開句
律今誰敵詩仙舊所陪朱絃悄餘韻綺席澹浮埃竟日
門多掩長沙歲一來端能負猿鶴歸計莫徘徊

春雪用韓昌黎韻同彭應之作

既有陽春曲那無白雪謠連天飛不斷著地暖還銷未
掩高人戶難齊衲子腰稍開銀世界漸長玉杖條興盡
愁烟艇行迷認野橋酒腸渾欲凍吟筆為誰搖殘臘成
三白餘寒又一朝香隨梅蘂落輕伴柳花飄神女羞捐
佩鮫人敢獻綉東皇應好事避舍亦相饒

寄雲谷瑞泉菴主

憶昔誅茅日山房我自名風埃猶俗累烟雨負巖耕多
謝空門侶能同物外情肯來分半壑聊爾度平生少待
清秋日閑尋遠嶽盟不知誰是客一笑絕塵纓

三月晦日與諸兄為真率之約徘徊石馬晚集
保福偶成短句奉呈聊發一笑

瀟洛風雅卷五

朱晦卷

廿九

春服明朝換晴川漲綠陰追隨皆勝侶邂逅即初心社
躋梅苔古禪扉竹樹深移尊真惜日畢景共披襟儉德
遵賢範哇詞愧雅音清和應更好逸想寄雲岑

是日約
後會為

仙洲
之遊

瀟洛風雅卷五

朱晦菴

七言律詩五十九首

五言絕句八十九首

七言絕句九十一首

詩餘二首

張南軒

五言古詩五首

五言律詩一首

聯句一首

七言律詩一首

瀛洛風雅目錄
朱晦菴
張南軒

瀛洛風雅卷六

朱晦菴

七言律

次韻傅丈題呂少衛教授藏書閣

西樓誰與共閒居，茂樹婆娑清晝餘。
大隱祇今同一壑，行吟非昔似三閭。
揣摩心事惟黃卷，料理家傳亦素書。
更鑿寒泉供漱石，世紛不擬問焉如。

和劉抱一

幾年牢落舊村墟，此日翛然水竹居。
病起試尋春徑草，客來聊煮雪畦蔬。
開樽細說平生事，信手同繙集古書。
適意何勞一千卷，新詩閑出笑談餘。

瀛洛風雅卷六

朱晦菴

再和

久矣投裝返舊墟，不將心事賦閑居。
荷鉏帶月朝治穢，植杖臨風夕挽蔬。
三徑猶尋陶令宅，萬錢聊借鄴侯書。
木瓜更得瓊琚報，吟咏從今樂有餘。

數日前與判院丈有宋村之約，雪中有懷奉呈

判院通判二丈

雲垂天濶歲將闌，一室翛然獨掩關。
擁褐不知風折木，開軒惟見雪漫山。
玄空杳靄低迷外，碧樹瓏聰掩映間。
吟罷左思招隱句，扁舟無路過長灣。

奉陪彥集克父同遊瑞巖，謹次莆田使君留題

之韻

踏破千林黃葉堆林間臺殿鬱崔巍谷泉噴薄秋逾响
山翠空濛畫不開一壑祇今藏勝槩三生疇昔記曾來
解衣正作留連計未許山靈便却回

伏讀趙清獻公瑞巖留題感歎之餘追次元韻

趙公名迹此猶微已薦行藏第一機直自當年留翰墨

至今窮谷尚光輝時清諫疏空遺葉歲晚高齋自掩扉

高齋公晚年所居每夕獨處一室使人局其外云珍重九原如可作問渠何處

是真歸

伏讀二劉公瑞巖留題感事興懷至于墮涕追

次元韻偶成二篇

誰將健筆寫崖陰想見當年抱膝吟緩帶輕裘成昨燕

灑洛風雅卷六 朱晦菴

二

遺風餘烈到於今西山爽氣看猶在北闕精誠直自深

故壘近聞新破竹起公無路祇傷心

投紱歸來卧赤城家山無處不經行寒巖解榻夢應好

絕壁題詩語太清陳迹一朝成寂寞靈臺千古自虛明

傳來舊業荒蕪盡慙媿秋原宿草生

舫齋

扁舟容與小房櫳搖颺簾旌蜀錦紅兩岸蒹葭秋色裏

一川煙浪夕陽中不愁灩澦雙蓬鬢未怯江湖萬里風

築室水中聊爾爾何須極浦望朱宮

月波臺

游潺流水注回塘中作平臺受晚涼四面不通車馬跡

一尊聊飲芙蓉荷香韓公無復吟花鳥楚客何勞賦芍藥
少待須臾更清絕月華零露洗匡床

挽蔬園

未覺閑來歲月頻荷鋤方喜土膏勻連畦已放瑤簪露
覆地行看玉本新小摘登盤先餉客曉炊當肉更宜人
却憐寂寞公儀子拔盡園蔬不歎貧

曲池軒

去年種竹長新篁今歲穿渠過野塘自喜軒牕無俗韻
亦知草木有清香林間急雨生秋思水面微風度晚涼
却厭端居苦無事凭欄閑理釣絲長

留秀野劉丈

二首

瀟洛風雅卷六

朱晦菴

三

好雨當春過一犁我公遠憶故園西孤篷穩轉清灘急
十里行穿綠樹齊路熟已欣經霧市身輕未怕躡雲梯
諸孫剩欲留公住細和新詩丐指迷

一去屏山今幾春歸來三徑但荒榛剪除便覺風烟好
徙倚還驚物色新樓外千林遮去路階前一水戀行塵
勸君更作留連計同社追遊苦未頻

次秀野滄波館刈麥

傳聞泛宅賀新成破月衝烟取次撐鷁首斜飛寒浪急
篷牕側轉好山橫知公興有江湖迥顧我詩無玉雪清
欲跨船舷還未敢幾時得伴鏡中行

次秀野咏雪韻

二首

開門高卧客來稀起看天花滿院飛地迥杉篁增勝概
庭虛烏鵲噪空饑酒腸凍澀成新恨病骨侵凌減舊肥
賴有袁生清興在忍寒應未泣牛衣
一夜同雲匝四山曉來千里共漫漫不應琪樹猶含凍
翻笑揚花許耐寒乘興正須披鶴氅淪甘猶喜破龍團
無端酒思催吟筆却恐長鯨吸海乾

次秀野韻

當年共剪北山萊脩竹成陰手自栽書卷莫教春色老
紫荆肯為俗人開公能顧我傳新句我欲留公撥舊醅
悵望南園芳樹底明年應放小車來

次秀野躬耕桑陌舊園之韻二首

灑洛風雅卷六

朱晦菴

四

郊園旱久只多蹊昨夜欣沾雨一犁已辦青鞵隨老圃
便驅黃犢過深溪農談剩喜鄉鄰近饁具仍教婦子携
指點竹寒沙碧處不知何似錦城西
丈人高致邀難干雲夢何如胷次寬老去未妨詩律在
人來只怕酒杯乾故開麥隴供家釀更有蘭章付客看
下走才慳屬和願公物色稍留殘

次韻雪後書事

未覺春光到柳條誰教飛絮倚風搖眼驚銀色迷千界
夢斷彤庭散百寮梅塢任從長笛弄竹牕閑把短檠挑
何人剝啄傳清唱更喜殘年樂事饒

次秀野春晴山行紀物之句

祇憑詩律作生涯到處山林總是家便與清尊臥芳草
不妨皂蓋拂殘花側聞溫詔詢耆艾好趁春風入殿衙
回首能忘舊猿鶴一篇聊爾記年華

次韻寄題芙蓉館

不須艇子棹歌來且看芙蓉面面開卷裏有詩都錦繡
席間無地可塵埃風清月白琴三弄綠暗紅深酒一杯
明日仲宣樓上去越吟仍是首頻回

葦居

次秀野雜詩韻

丈人高卧碧江頭門掩西風萬木秋重喜青山還遶屋
却嫌黃葉漸平溝開軒且放浮嵐入決水徐通廢圃流
便覺園林頓蕭爽不妨隨境味玄幽

滙洛風雅卷六

朱晦卷

五

向來鞅掌元非病此日徜徉詎有妨自喜登臺開瘦竹
人驚步履響空廊高齋雨過新山色曲沼風來舊水光
千里壯心殊未已不應疎懶興能長

題鄭德輝悠然堂

高人結屋亂雲邊直面羣峰勢接連車馬不來真避俗
簞瓢可樂便忘年移筇綠幄成三徑回首黃塵自一川
認得淵明千古意南山經雨更蒼然

仲續尊兄對策南宮相顧田舍輒賦攀錢

三徑荒涼獨掩門故人車馬過相存長安此去無千里
濁酒何妨盡一尊共說淵源非曩日好披肝膽奉明恩
不辭妄竊仁人號執手臨歧敢贈言

送謝周輔入廣

夫君壯節與竒謀，屈首微官世所羞。
攬轡未妨聊矍鑠，賦詩直為寫離憂。
蒼茫嶺海三年別，珍重親朋幾日留。
滿意分携一杯酒，登山臨水不能休。

和亦樂園韻

莫笑君家五畝園，要須胸次亦平寬。
坐間花柳陰初合，望外山河勢若蟠。
把酒儘誇雙鬢綠，擊鮮爭見兩輪丹。
鄰翁未到心先識，更喜詩筒得細觀。

遊密庵分韻賦詩得清字

誤落塵中歲序驚，歸來猶幸此身輕。
便將好友尋山去，更喜新詩取意成。
煖翠乍看潭欲滴，寒流重聽不勝清。
個中有趣無人會，琴罷尊空月四更。

濂洛風雅卷六

朱晦卷

六

宿密庵分韻賦詩衣字

不到仙洲歲月移，携壺特地款巖扉。
已驚素雪清人骨，更喜蒼烟染客衣。
新賞不妨頻徙倚，舊題何事獨嗟唏。
明朝驛騎黃塵裏，莫待迷塗始賦歸。

次圭父觀魚韻

平生三伏斷追遊，誰喚來穿澗樹幽。
初訝網橫天影破，忽驚人蹴浪花浮。
鳴榔不用齊吳榜，鼓柁何須學楚謳。
便有金盤堆白雪，却憐清泚向東流。

次晦叔寄弟韻

二首

聞道君歸湘水東，經行長在白雲中。
詩成天柱峯頭月，

酒醜朱陵洞裏風。舊學難酬香一瓣。流年誰管鬢雙蓬。

書來為指諠訛處。不涉言詮不落空。

試上閩山望楚天。鴈飛欲斷勢還連。憑將袖裏數行字。

與問雲間雙髻仙。我訪舊遊終有日。君歸故里定何年。

祇今千里同心事。靜對簞瓢獨喟然。

時季路二兄

先生可是愛吾廬。來住鄧菴幾閏餘。栢下竟開千歲室。

竹間猶插萬籤書。悲涼共識臨風處。遊戲誰知落筆初。

寄語山靈勤守護。莫將題柱比相如。

九日登天湖以菊。花須插滿頭。歸分韻賦詩得。

瀟洛風雅卷六

朱晦菴

七

歸字

去歲瀟湘重九時。滿城寒雨客思歸。故山此日還佳節。

黃菊清樽更晚暉。短髮無多休落帽。長風不斷且吹衣。

相看下視人寰小。祇合從今老翠微。

和人游西巖

平生壯志浩無窮。老寄寒泉亂石中。閑去披襟弄清泚。

靜來合眼聽玲瓏。不知澗寺晴時雨。何似溪亭落處風。

吟罷君詩自瀟灑。此心端不限西東。

擇之賢友歸途左顧。示以四明酬唱煥爛盈編。

三復咏歎。想見聚遊之樂。輒用黃山即事之

韻賦呈擇之。兼懷子重老兄。順之賢友。

十年身卧白雲堆，已分黃塵歸往回。不是幽人遺俗去，肯尋流水渡關來。三秋風月從頭說，千里湖山覲面開。久欲過逢須一快，豈知勞結倍難裁。

次韻題平父兄重建一枝堂

畫戟朱門枕碧山，貂蟬元自出儒冠。更餘此日林間樂，遠繼當年膝下歡。命駕賓朋千里近，放懷琴酒百憂寬。遺編却好傳孫子，莫遣因循學宴安。

次卜掌書落成白鹿佳句

重營舊館喜初成，要共羣賢聽鹿鳴。三爵何妨奠蘋藻，一編詎敢議明誠。深源定自閑中得，妙用元從樂處生。莫問無窮菴外事，此心聊與此山盟。

濂洛風雅卷六 朱晦庵

白鹿講會次卜大韻

宮牆蕪沒幾經年，祇有寒烟鎖澗泉。結屋幸容追舊觀，題名未許續遺編。請為洞主不報青雲白石聊同趣，謂西澗劉公霽月光風更別傳。謂濂溪夫子珍重箇中無限樂，諸郎莫苦羨騰騫。

再用前韻示諸同遊

幽卧寒巖不記年，飽看山月聽風泉。舒憂正得琴三疊，玩意惟憑易一編。誤落塵中乖夙尚，却思洞裏付真傳。封章倘幸天從欲，便解銅符謝繫騫。

次韻四十叔父白鹿之作

誅茅結屋想前賢，千載遺踪尚宛然。故作軒牕挹蒼翠，

要將絃誦答潺湲許郎有志須精學老子無能但欲眠
多少個中名教樂莫談空諦莫求仙

奉同都運直閣張丈哭敬夫張兄張丈有詩敢

次元韻悲悼之極情見乎詞伏幸采覽二首

秀翁威畧憚華戎遺恨車書久未同喜有象賢堪嗣事
故知鴻業自無窮蕃宣合奏三年最風采俄驚一旦空
根本平生有深計遺書不但子囊忠

不應世道即漂淪何事今年失此人禮樂端能懷益友
琴笙忍遽樂嘉賓亦知遊好曾通譜却記登臨喚卜鄰
兩首悲詩數行淚感傷那復鬪清新

張丈垂顧適聞計音為罷御宴敬夫

向嘗約熹徙居湖之上蓋相語於蒙公臺上云

灑洛風雅卷六 朱晦菴

九

次韻寄題萬頃寒光奉呈休齋先生

閑將歲月老烟汀更遣詩情到杳冥游子故應悲舊國
壯懷那肯泣新亭一官避世今頭白萬卷收功久汗青
但見潮生與潮落不知沉醉又還醒

熹伏蒙休齋先生惠詩見留謹次高韻

忽驚蕭颯鬢毛秋起向東山覓舊遊盤谷門前淚沾臆
雲臺溪上雪蒙頭歸歟吾黨又千里老矣心期但一丘
珍重休齋書滿屋可無三宿為君留

伏承侍郎使君垂示所與少傅國公唱酬西湖

佳句謹次高韻聊發一笑

百年地闢有奇功劍見猶驚鶴髮翁共喜安車迎國老

更傳佳句走郵童
閑來且看湖頭入樂事
寧憂酒箴空
會見台星與卿月
交光齊照廣寒宮

越王城下水融融
此樂從今與衆同
滿眼芰荷方永日
轉頭禾黍便西風
湖光盡處天空闊
潮信來時海氣通
酬唱不誇風物好
一心憂國願年豐

伏讀致政少傅相公送趙成都佳句兩篇不勝

慰幸已次高韻并餞其行而再賦此章以見

區區瞻仰之意繕錄並呈伏乞采覽

二首

歸來寂寞卧漳濱
夢想成容阻再親
綠野遙開花欲語
赤書還喜鴈來賓
閑中有句人爭誦
妙處無心物自春
行馬不因吾輩設
賢竒猶得話陳陳

灑洛風雅卷六

朱晦菴

十

一旦高辭將相權
身名從此慶雙全
人誇迹已風塵外
誰道心遊日月邊
未許前賢專晚節
更將餘事發春妍
君王若要詢黃髮
便好臨雍促肆筵

懷潭溪舊居

憶住潭溪四十年
好峰無數列牕前
雖非水抱山環地
却是冬溫夏冷天
遠舍扶疎千箇竹
傍崖寒冽一泓泉
誰教失計東遷繆
憊卧西牕日滿川

承事卓丈置酒白雲山居飲餞致政儲丈叔通

因出佳句諸公皆和熹輒亦繼韻聊發坐中

一笑

老去讀書秋樹根
山林兒女定誰尊
東坡賦徐德古舊
居有一鳥兒女說

事之句 林 偶緣送客來僧寺却似披雲卧石門物外祇
今成跌蕩人間何處不耽喧一杯且為陽關盡雙目從
教別淚昏

引年得請伏蒙致政學士契丈特垂慶問寵以
佳篇捧玩之餘感愧亡量輒借高韻少見謝

誠伏幸笑鑑

一氣無私物自樂放臣偏荷主恩寬方慙妄竊老夫號
詎敢重簪博士冠身退未妨閑養病年豐何幸且偷安
新篇似許參同社願刺仙舟上釣灘

蒙恩忤遂休致陳昭遠丈以詩見賀已和答之

復賦一首

灑洛風雅卷六

朱晦菴

十一

闌干首霜久空槃未覺清羸帶眼寬老去光華姦黨籍
向來羞辱侍臣冠極知此道無終否且喜開身得暫安

漢祚中天那可料明年太歲又浯灘建隆庚申距今已未二百四十年矣

嘗記年十八歲時先君慨然顧語熹曰太祖受命至今百八十年矣歎息久之銘佩先訓于今甲子又復一周而衰病零落終無以少塞臣子之責因和此詩并記其語以示兒輩為之盡然感涕云

叔通老友探梅得句不副垂示且有領客携壺

之約次韻為謝聊發一笑

迎霜破雪是寒梅何事今年獨晚開應為花神無意管
故煩我輩著詩催繁英未怕隨清角疎影誰憐蘸綠盃
珍重南鄰諸酒伴又尋江路覓香來

終旬不到鹿場陰夢想飛馳不自禁幸有高軒同勝賞
何妨折屐共幽尋徘徊未厭詩書樂感慨難忘忠孝心
更對豐鐫戰伐木風泉雲壑助清吟

次彥集經營別墅之作

回坵成南指顧間要令華敞對噴岢家山信有千巖擁

家山堂見
武夷諸峰

雲月何妨兩處觀傑閣已資鄰築勝

熹近乘
知府擬

賜舊第
樓居

新基還見繚牆寬老仙鶴骨殊蕭爽歸興從今

豈易闌

伏蒙致政少傅相公寵賜寄題武夷精舍詩一

首拜受捧讀不勝仰歎無以自見區區感幸

之誠輒繼高韻

舊洞公所居坊名
取答詔語也

瀟浴風雅卷六

朱晦菴

十一

望斷鈞天白玉都石田茅屋詎應無况蒙一字榮褒袞

便覺千峯勝畫圖舊弼詩情高綠野狂奴心事只風雩

蒲輪幾日符嘉夢恰有流霞酒一壺

李義山武夷詩有
流霞酒一杯句

五言絕句

聞蟬

悄悄山郭暗故園應掩扉蟬聲深樹起林外夕陽稀

汲清泉漬竒石置熏爐其後香烟被之江山雲

物居然有萬里趣因作四小詩

晴牕出寸碧倒影媚中川雲氣一吞吐江湖心渺然

一水渺空闊羣山中接連寒陰白霧湧飛度碧峰前

隱几對寒碧忘言心自閑豈知宜寂士滅跡青峰門

吟餘忽自笑老矣方好弄慨然思古人尺璧寸陰重
家山堂晚照效輞川體 二首

夕陽浮遠空西峰背殘照爽氣轉分明與君共晚眺
山外夕嵐明山前空翠滴日暮無與期閑來岸輕幘
奉同張敬夫城南二十咏

納湖

詩筒連畫卷坐看復行吟想像南湖水秋來幾許深

東渚

小山幽桂叢歲暮靄佳色花落洞庭波秋風渺何極
咏歸橋

綠漲平湖水朱欄跨小橋舞雩千載事歷歷在今朝

蕪洛風雅卷六 朱晦菴

十三

舫齋

考槃雖在陸滉漾水雲深正爾滄洲趣難忘魏闕心
麗澤堂

堂後林陰密堂前湖水深感君懷我意千里夢相尋

蘭澗

光風浮碧澗蘭杜日猗猗竟歲無人采含薰祇自知
書樓

君家一編書不自圯上得石室寄林端時來玩幽蹟

山齋

藏書樓上頭讀書樓下屋懷哉千里心俯仰數椽足

象軒

先生湖海姿蒙養今自闕銘坐仰先賢點畫存茅繫

石瀨

疏此竹下渠漱彼澗中石暮館繞寒聲秋空動澄碧

卷雲亭

西山雲氣深徙倚一舒歔浩蕩忽牽開為君展遐眺

柳堤

渚華初出水堤樹亦成行吟罷天津句薰風拂面涼

月榭

月色三秋白湖光四面平與君凌倒影上下極空明

濯清

涉江采芙蓉十反心無數不遇無極翁深衷竟誰識

漁洛風雅卷六

上晦卷

十四

西嶼

朝吟東渚風夕弄西嶼月人境諒非遙湖山自幽絕

淙琤谷

湖光湛不流嵌竇亦潛注倚杖忽淙琤竹深無覓處

聽雨舫

綵舟停畫槩容與得歌眠夢破蓬牖雨寒聲動一川

梅堤

仙人冰雪姿貞秀絕倫擬驛使詎知聞尋香問烟水

采菱舟

湖平秋水碧桂棹木蘭舟一曲菱歌曉驚飛欲下鷗

南阜

高丘復層觀何日去登臨一目長空盡寒江列暮岑
雜記草木 六首

天門冬

高蘿引蔓長挿椶垂碧絲西牕夜來雨無人領幽姿

紅蕉

弱植不自持芳根為誰好雖微九秋幹丹心中自保

扶留

根節含露辛芳穎扶椶綠營中靈草多夏永清陰足

竹

種竹官墻陰經年但憔悴故園新綠多宿幹轉蒼翠

榴花

瀟洛風雅卷六 朱晦菴

窈窕安榴花乃是西鄰樹墜萼可憐人風吹落幽戶

萱草

春條擁深翠夏花明夕陰北堂罕悴物獨爾澹冲襟

獨覺

端居春向殘夏氣已清穆睡起悄無人風驚滿牕綠

澆花

晨起獨行園花藥發竒穎猶嫌墮露稀更汲寒泉井

觀劉氏山館壁中所畫四時景物各有深趣作

五言四咏

頭上山洩雲脚下雲迷樹不知春淺深但見雲來去

夕陽在西峰晚谷背南嶺煩鬱未渠央佇茲清夜景

清秋氣蕭瑟遙夜水崩奔自了巖中趣無人可共論
悲風號萬竅密雪變千林匹馬關山路誰知客子心
題謝安石東山圖

家山花柳春侍女髭鬢綠出處亦何心晴雲在空谷
江月圖

江空秋月明夜久寒露滴扁舟何處歸吟蕭永佳夕
題尤溪宗室所藏二姬圖

瀟湘木落時玉珮秋風起日暮悵何之寂寞寒江水
右湘夫人

夫君行不歸日夕空凝佇目斷九疑岑回頭淚如雨
右湘君

瀟浴風雅卷六 朱晦菴

十一

庚申立春前一日

雪花寒送臘梅萼煥生春歲晚江村路雲迷景更新
謁表伯余宋祐

江上雪意滿風吹竹平林先生但堅坐稚子開柴荆
百丈山六咏

石磴

層崖俯深幽微迳忽中斷努力一躋攀前行有竒觀
小澗

兩崖交翠陰一水自清瀉俯仰契幽精神襟頓瀟灑
山門

置屋雨三間巧當竒絕處峽束百泉傾澗激回風度

石臺

出谷轉石稜俯身窺木末夕眺嵐翠分朝儕雲海闊

西閣

借此雲牕眠靜夜心獨苦安得枕下泉去作人間雨

瀑布

巔崖出飛泉百尺散風雨空質麗晴暉龍鸞共掀舞

雲谷二十六咏

雲谷

寒雲無四時散漫此山谷幸乏霖雨安何妨媚幽獨

南澗

危石下崢嶸高林上蒼翠中有橫飛泉崩奔雜竒麗

瀟洛風雅卷六

朱晦菴

十七

瀑布

峰回危迳轉垂練忽于尋不為登山倦躊躇秋澗陰

雲關

白雲去復還黃塵到難入只有澗水聲出關流更急

蓮沼

亭亭玉芙蓉迴立映澄碧只愁小月明照作寒露滴

杉迳

南起雲關口縈紆上草堂天風發清籟山月度寒光

雲莊

小丘橫翠几層嶂復甍猗釋耒閑來看巖姿此處多

泉映

入關但平田復此得清響何必問真源神襟亦蕭爽
石池

兩岸蒼峭石護此碧泓寒秋月來窺影驪珠吐玉盤

山楹

山楹一帳望恨此雲迷谷仙人不可期縹緲雙髻綠

藥圃

長鑿劓靈根蒔此泉下圃珍劑木須論丹萸已堪煮

井泉

山高澤氣通石竇飛靈液默料谷中雲多應從此出

西寮

畚田種胡麻結草寄林樾珍重無心人寒樓弄明月

灑洛風雅卷六 朱晦菴

晦菴

憶昔屏山翁示我一言教自信久未能巖棲冀微效

草廬

青山遠蓬廬白雲障幽戶卒歲聊自娛時人莫留顧

懷仙

西望多竒峰比瞰獨仙府欲致武夷君石壇羅桂醕

揮手

山臺一揮手從此斷將迎不見塵中事惟聞打麥聲

雲社

自作小中人即與雲為友一肅雨紛紛無勞三奠酒

桃溪

澗裏春泉響種桃泉上頭爛紅紛委地未肯出山流
竹塢

梢蒨桃蹊北蕭穆竹塢深不堪秋夜永風雨助悲吟

漆園

舊聞南華仙作吏漆園裏應悟見割憂嗒然空隱几

茶坂

攜簾北嶺西採擷供茗飲一殿夜牕寒跣跌謝衾枕

絕頂

當年赫曦臺移治在茲嶺寥廓無四鄰三光疑倒影

北澗

土斷川亦分北下成陰澗秀石得佳名服膺吾敢慢

有澗

灑洛風雅卷六

朱晦菴

十九

仁義石

中溪

南下東嶺阿云是中溪道巖樹愛膠枝石田悲蔓草

休菴

別嶺有精廬林巒亦幽絕無事一往來茶瓜不須設

武夷精舍雜咏

精舍

琴書四十年幾作山中客一日茅棟成居然我泉石

仁智堂

我慙仁智心偶自愛山水蒼崖無古今碧澗日千里

隱求齋

晨聽林影開夜枕山泉響隱去復何求無言道心長
止宿寮

故人肯相尋共寄一茅宇山水為留行無勞具雞黍

石門塢

朝開雲氣擁暮捲薜蘿深自笑晨門者那心孔氏心

觀善齋

負笈何方來今朝此同席日用無餘功相看俱努力

寒栖館

竹間彼何人抱甕靡遺力遙夜更不眠焚香坐看壁

晚對亭

倚筇南山巔却立有晚對蒼峭矗寒空落日明影翠

瀟洛風雅卷六

未晦卷

二十

鐵笛亭

山前舊有奪秀亭故侍郎胡公明仲嘗與山之隱者劉君蕪道游涉而賦詩焉

劉少豪勇游俠使氣晚更晦迹自放山水之間善吹鐵笛有穿雲裂石之聲胡公詩有水須橫鐵笛吹與衆仙聽之句亭今廢久一日與容及道士數人尋其故址適有笛聲發於林外悲壯回鬱巖石皆震追感舊事因復作亭以識其處仍改今名

何人轟鐵笛噴薄兩崖開千載留餘響猶疑笙鶴來

釣磯

削成蒼石稜倒影寒潭碧永日靜垂竿茲心竟誰識

茶竈

仙翁遺石竈宛在水中央飲罷方舟去茶烟裊細香

漁艇

出載長烟重歸裝片月輕千巖猿鶴友愁絕棹歌聲

七言絕句

夜雨

擁衾獨宿聽寒雨，聲在荒亭竹樹間。
遙知風雪滿前山，故山風雪深寒夜。
只有梅花獨自香，此日無人問消息。
不應憔悴損年芳。

寄諸同寮

把酒江頭烟雨時，遙知江樹已芳菲。
落盡梅花未得歸，落盡梅花未得歸。

涉澗水作

幽谷濺濺小水通，細穿危石認行踪。
回頭自愛晴嵐好。

濂洛風雅卷六

朱晦菴

廿一

却立灘頭數亂峰

送籍溪胡丈赴館供職

祖錢衣冠滿道周，此行誰與話端由。
心知不作功名計，祇為蒼生未敢休。

觀書有感

半畝方塘一鑑開，天光雲影共徘徊。
問渠那得清如許，為有源頭活水來。

昨夜江邊春水生，蒙衝巨艦一毛輕。
向來枉費推移力，此日中流自在行。

雪意

向晚浮雲四面平，北風號怒達天明。
寒牕一夜清無睡。

擬聽杉篁葉上聲

昨夕不知有雪而晨起四望遠峰皆已變色作

絕句

朔風吹盡暮雲平
室煖爐紅睡達明
但怪朝來滿山白
不知昨夜打牕聲

入瑞巖道間得絕句呈彥集充父二兄

翩翩一馬兩肩輿
路轉秋原十里餘
共說前山深更好
不辭迢遞款禪居

風高木落晚秋時
日暮千林黃葉稀
祇有蒼蒼谷中樹
歲寒心事不相違

輓延平李先生用西林舊韻 二首

瀛洛風雅卷六

朱晦菴

廿二

一自籃輿去不回
故山空鎖舊池臺
傷心觸目經行處
幾度親陪杖屨來

上疏歸來空皂囊
未妨隨意宿僧房
舊題歲月那堪數
慙媿平生一瓣香

寄題瀏陽李氏遺經閣

老翁無物與孫兒
樓上牙籤滿架垂
更得南湖親囑付
歸來端的有餘師

南湖張敬夫書院

讀書不見行間墨
始識當年教外心
箇是儂家真寶藏
不應猶羨滿籬金

馬上口占次敬夫韻

幾日城中歌酒昏
今朝匹馬向烟村
迎人况有南山色

勝處何妨倒一尊

方廣道中半嶺小憇次敬夫韻

不用洪崖遠拍肩相將一笑俯寒烟
向來活計蓬蒿底浪說江湖極目天

道中景物甚勝吟賞不暇敬夫有詩因次其韻

穿林踏雪覓鐘聲景物逢迎步步新
隨處留情隨處樂未妨聊作苦吟人

方廣聖燈次敬夫韻

神燈照夜惟聞說皓月當空不用尋
箇裏忘言真所得便應從此正人心

壁間古畫精絕未聞有賞音者

濂洛風雅卷六

朱晦菴

三

老木樛枝入太陰蒼崖寒水斷
追尋千年粉壁塵埃底應識良工獨苦心

霜月次擇之韻

蓮花峯頂雪晴天虛閣霜清絕
縷烟明發定知花菽菽如今且看竹娟娟

蓮花峯次敬夫韻

月曉風清墮白蓮世間無物敢爭妍
如何今夜峯頭雪撩得新詩續舊篇

發雪未消次擇之韻

脚底悲風舞凍鴉此行真是躡蒼霞
仰頭若木數瓊葉不是人間玉樹花

林間殘雪時落鋸然有聲

青鞵布襪踏瓊瑤十里晴林未覺遙忽復空枝墮殘雪
恍疑鳴瓊落叢霄

福嚴讀張南湖舊詩

樓上低回摻別袖山中磊落見英姿白雲未屬分符客
已有經行到處詩

晚霞

日落西南第幾峯斷霞千里抹殘紅上方傑閣凭欄處
欲盡餘暉怯晚風

讀林擇之二詩有感

荀輿隨望入寒烟每誦君詩輒黯然今夜定知連榻夢

濂洛風雅卷六

朱晦菴

廿四

一時飛墮錫山前

竹輿傲兀聽嘔啞合眼歸心已到家遊子上堂慈母笑
豈知行李尚天涯

分宜晚泊江亭望南山之勝絕江往遊將還而

舟子不至擇之刺船徑渡呼之予與伯崇佇

立以俟因得二絕

寒水粼粼受晚風輕舸來往思無窮何妨也向溪南去
徙倚空林暮靄中

一棹翩然喚不回雨筇江畔久徘徊早知君有如神技
同下中流亦快哉

次韻擇之懷張敬夫

往時連騎向衡山同賦新詩各據鞍此夜相思一杯酒
回頭猶記雪漫漫

別韻賦一篇

踏雪凌霜眼界新舉鞭遙指玉嶙峋回頭此日成千里
橫梨思君少一人

題萬安野館

身似孤雲去復還投裝猶記此牕間只應烟雨蒼茫外
即是當時萬疊山

過樟木鎮晚晴二首

朝晴遣我看薊林頃刻浮雲萬里陰拂袖凌風二十里
依然寒日照長吟

灑洛風雅卷六 朱晦菴

廿五

飛雲極目疑梅嶺落日回頭夢橘洲從此不愁東路永
祇應西望轉悠悠

十二月旦袁州道中作

今朝已是臘嘉平我獨何為在遠行白髮倚閭應注想
青山聯騎若為情

竹節灘

船下清江竹節灘長烟漠漠水漫漫人家斷岸斜陽好
客子中流薄暮寒

次韻擇之舟中有作二首

一江烟水浩漫漫昨夜扁舟寄此間共向船頭望南北
不知何處是家山

一席三人抵項眠心知篷外水如天起來却怪天如水
月落烏啼浦樹邊

自東湖至列岫得二小詩

孺子高風何處尋東湖臺觀水雲深生芻一束人如玉
此日淒涼萬古心

昨日來時萬里陰長江雪後玉千岑蒼茫不盡登臨意
重對晴天豁晚襟

觀上藍賢者所藏張魏公手帖次王嘉叟韻

火風吹散旱天雲膚寸空餘翰墨新拭淚相看渺今古
堂堂那復有斯人

野望

灑洛風雅卷六 朱晦菴

廿六

登高立馬瞰晴川四面平林接暝烟東望不堪頻極目
歸心已度鳥飛前

次韻擇之金步喜見大江有作

江頭四望遠峰稠江水中間自在流並岸東行三百里
水源窮處即吾州

次韻擇之餘干道中

寒盡春生草又青化工消息幾曾停因君一詠陵坡麥
恍憶儂家老圃亭

亭下予家
種麥處也

次韻擇之鉛山道中二首

幾月高堂闕問安歸塗不管上天難誦君兩疊思親句
也信從來取友端

行盡江湖萬疊山，猶在有無間。明朝漸喜登闕嶺，
澗水分流響佩環。

送林擇之還鄉赴選

三首

青驪去路欲駸駸，回首猶須話此心。一別便成三數月，
有疑誰講過誰箴。

門外槐花似欲黃，高堂應望促歸裝。箇中自有超然處，
肯學兒曹一例忙。

今朝握手送君歸，馬上薰風拂面吹。不用丁寧防曲學，
寒牕久矣共心期。

夜聞擇之誦師曾題畫絕句，遐想高致，偶成小

詩

濂洛風雅卷六

朱晦菴

廿七

一幅瀟湘不易求，新詩誰遣送閑愁。遙知水遠天長外，
更有離騷極目秋。

送林熙之

君行往返一千里，過我屏山山下村。濁酒寒燈靜相對，
論心直欲到忘言。

十年燈火與君同，誰道年來西復東。不學世情雲雨手，
從教人事馬牛風。

古鏡重磨要古方，眼明偏與日爭光。明明直照吾家路，
莫指并州作故鄉。

次劉彥集木犀韻

仙衣纔試鬱金黃，便覺秋風滿院芳。定觀極知先透徹，

通心豈是故迎將

登蘆峯

行到蘆峯最上頭，幾回振策又還休。
因君好句撩孤興，却恨雲烟未肯收。

送許順之南歸 二首

門前三徑長蒿萊，媿子殷勤千里來。
校罷遺書却歸去，此心无自不曾灰。

幾年江海事幽尋，徧與雲僧話此心。
今日肯來論舊學，歲寒猶恐雪霜侵。

和喜雨 二首

雨歸誰遣送餘春，珍重天公惠我民。
且看歡顏垂白叟，

灑洛風雅卷六 朱晦菴

廿八

莫愁頽頽踏青人

黃昏一雨到天明，夢裏豐年有頌聲。
起望平疇烟草綠，只今投筆事農耕。

唐石雪中

春風欲動客辭家，霖潦縱橫路轉賒。
行到深山愁絕處，千林一夜玉成花。

讀李賓老玉澗詩偶成

獨抱瑤琴過玉溪，琅然清夜月明時。
祇今已是無心久，却怕山前荷蕢知。

次呂季克東堂九詠

野塘小隱

傳得希夷九卦圖歸來不復夢榮途野塘竟日無人到
讀盡床頭種樹書

敬義堂

高臺巨榜意何如住此知非小丈夫浩氣擴充無內外
肯誇心月夜同孤

方拙寮

一室歸來萬事新牕間橫竹挂朝紳九流未讓園機士
四海寧慙巧宦人

吟戩室

蒲團竹几睡曹騰客問君今幾折肱身世兩忘無可答
起尋詩句遠階行

漢洛風雅卷六 朱晦菴

廿九

愛蓮

聞道移根玉井旁開花十丈是尋常月明露冷無人見
獨為先生引興長

月臺

臺上無人伴苦吟歸鴉過盡日西沉須臾玉匣開塵鏡
却有孤光共此心

菜畦

雨餘菜甲翠光勻杞菊成畦亦自春骨相定知非食肉
可能長伴箇中人

海棠屏

蜀樹成行翠作圍花開時節更芳菲主人夢亦尋春去

栩栩深穿錦障飛

橘垞

君家地上幾時栽，千樹玲瓏亦富哉。
荷盡菊殘秋欲老，一年佳處眼中來。

至鳳凰山再作

門前寒水青銅闕，林外晴峯紫帽孤。
記得南垞通柳浪，依稀全是韜川圖。

次劉正之芙蓉韻

淺綠深紅出短籬，望中都是可憐枝。
要看亂颭寒塘水，更待金風滿意吹。

凌波直欲渡橫塘，却愛無人獨自芳。
且倚新漪開照影，

灑洛風雅卷六

朱晦菴

三十

更憑女伴一扶將

拜鵝慶宮有感

舊京原廟久烟塵，白髮祠官感慨新。
北望千門空引籍，不知何日去朝真。

答袁機仲論放蒙

忽然夜半一聲雷，萬戶千門次第開。
若識無心含有象，許君親見伏羲來。

觀林長仁書卷藏題

猿去山空鶴亦飛，柴門空掩釣魚磯。
門前樹葉都黃了，何事幽人久不歸。

為愛雲泉百尺飛，故將茅屋傍苔磯。
幾年清夢黃塵裏，

此日秋風一棹歸

梅

姑射仙人冰雪容塵心已共彩雲空年年一笑相逢處
長在愁烟苦霧中

香茶供養黃蘗長老悟公故人之塔并以小詩

見意

擺手臨行一寄聲故應離合未忘情炷香瀹茗知何處
十二峯前海月明

夜

獨宿山房夜氣清一牕涼月共虛明鄰雞未作人聲絕
時聽高梧滴露鳴

瀟洛風雅卷六 朱晦菴

三

題中峯杉徑

盤回山腹轉脩蛇橫入中峯小隱家好把穉杉緣徑插
待迎涼月看清華

水口行舟二首

昨夜扁舟雨一簑滿江風浪夜如何今朝試捲孤篷看
依舊青山綠樹多

鬱鬱層巒夾岸青春山綠水去無聲烟波一棹知何許
鷓鴣兩山相對鳴

秋日

一雨生涼杜若洲月波微漾綠溪流茅簷歸去無塵土

淡蕩闌花遶舍秋

春日偶作

聞道西園春色深，急穿芒屨去登臨。
千葩萬蕊爭紅紫，誰識乾坤造化心。

克己

寶鑑當年照膽寒，向來埋沒太無端。
祇今垢盡明全見，還作當年寶鑑看。

公濟和詩見閔耽書，勉以教外之樂以詩請問。

至理無言絕淺深，塵塵刹刹不相侵。
如云教外傳真的，却是瞿曇有兩心。

未必瞿曇有兩心，莫將此意攪儒林。
欲知陋巷憂時樂，只向韋編絕處尋。

瀛洛風雅卷六 朱晦菴
張南軒

三二

雪梅二闕奉懷敬夫

雲垂幕陰風慘淡，天花落花落千林。
瓊玖一空鸞鶴，征車渺渺穿華薄。
路迷迷路增離索，增離索剡溪山。

水碧湘樓閣

梅花發寒梢，挂着瑤臺一月瑤臺月。
和羹心事履霜時節，野橋流水聲鳴咽。
行人立馬空愁絕，空愁絕為誰凝。

竚為誰攀折

張南軒

五言古詩

再用前韻 首立早散失

元化首萬類，聖學極幾深。有如亞聖賢，尚謹殆與淫。
淺

見僅一斑歡喜不自禁豈知天地全於穆千聖心嘆哉
我學子進道宜駁駁立志務弘毅異說毋交侵仁端驗
發見精微試探尋超然見大體皎日破重陰重新鄒魯
傳挽回韶濩音當年不自勉與物終埋沉神龍倏變化
豈復顧泥滓有來南山友更唱共迭吟羣材欲封殖杞
梓看成林慙懃勸學子逆耳成良箴

嚴慶胄射策南歸迂途相訪六月二十有一日
同遊城南書院論文鼓琴煮茶烹鮮徘徊湖上
薄莫乃歸明日作別書此為贈

炎暑盛三伏駕言得清游城南才里所便有山林幽崇
蓮炫平堤脩竹綠高丘方茲閱雨辰亦有清泉流舉網
鮮可食汲井瓜自浮絲桐發妙音更覺風颼颼喜無舉
業累獨有講學憂逮子閒暇日微言要窮搜譬彼治田
者黽勉在勿休但勤穡菘功勿作刈獲謀雖云千里別
豈無置書郵祝子時嗣音慰我日三秋

賦遺經閣

生世豈云晚六籍初未亡向來言外旨瞠視多茫茫隱
微會見獨如日照八荒始知傳心妙初豈隔毫芒絕學
繼顏孟淳風返虞唐讀書無妙解數墨仍尋行况復志
寵利荆榛塞康莊自云稽古功此病真膏盲君家吃飛
閣面對羣山蒼匪為登臨娛牙籤富貴藏邀予為著語

會意詎可忘一洗漢儒陋活法付諸郎

送元晦

君侯起南服豪氣盖九州頃登文石陛忠言動宸旒坐
令聲利場縮頸仍包羞却來卧衙門無愧自日休盡收
湖海氣仰希洙泗游不遠關山阻為我再月留遺經得
紬繹心事兩網繆超然會太極眼底無全牛惟茲斷金
友出處寧殊謀南山對床語匪為林壑幽白雲正在望
歸袂風颼颼朝來出別語已抱離索憂妙質貴強矯精
微更窮搜毫釐有不察體用豈周流驅車萬里道中途
可停輶勉哉其無數邈矣追前脩

荆湖望月

浩浩湖之源迤邐衡山下有月來中天明珠千斛瀉澄

灑洛風雅卷六

張南軒

三

澈一塵無交輝清不夜嗟彼泉下人逝莫挽逸駕惟有
不死心清光徧華夏

五言律詩

上封有懷元晦

憶共朱夫子登臨冰雪中劇談無俗調得句有新功別
去雁橫浦重來月滿空遙憐今夕意清夢儻相同

登嶽麓赫曦臺聯句

泛舟長沙渚振策湘山岑

元晦

烟雲眇變化宇宙窮高

深懷古壯士志憂時君子心

敬夫

寄言塵中客莽蒼誰

能尋

元晦

七言律詩

落梅

清溪南畔小橋東
落月紛紛水映紅
五夜客愁花片裏
一年春事角聲中
歌殘玉樹人何在
舞破香衫曲未終
却憶孤山醉歸路
馬蹄殘雪襯春風

濂洛風雅卷六

